



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Signis Prædestinationis, Et Reprobationis, Et De Numero Prædestinatorum, Ac Reprobatorum

Recupito, Giulio Cesare

Lvgdvni, 1681

Prælvsvio.

urn:nbn:de:hbz:466:1-44272



IULII CÆSARIS RECUPITI
NEAPOLITANI
SOCIETATIS IESU THEOLOGI

De signis Prædestinationis, & numero
Prædestinatorum,

P R Æ L V S I O.

RACTATIONEM de signis Prædestinationis, ac prædestinatorum numero è Theologico tomo subductam hac opella conclusi: sive, ut aptius servirem materiæ: sive ut tuæ, lector, utilitati consulerem. Erat illa de prædestinatione materies adeo obscuris obvoluta quæstionum ambagibus, ut nonnisi abstrusos Dialecticæ syllogismos, atque argumenta omninò à sensibus semotissima ad scholasticæ limæ normam expeteret. Contra verò hæc, quæ de signis, & numero prædestinatorum adiicimus, ita se ad humanæ vitæ praxim demittunt, ut in actionibus pænè singulis explorent, quod in iis consequendæ salutis, ac gloriæ; quod lateat habendæ pœnæ, ac damnationis iudicium. Multa hic ab exemplis petenda: multa Patrum testimonia identidem interserenda: ita ut non tam opus meo sermone confectum, quàm Sanctorum vocibus contextum, veluti tessellato quodam differendi genere videatur. Multa denique congerenda non magis ad instruenda ingenia, quàm ad inflammanda studia; non tam exedris, quàm suggestibus; non plus quæstionibus, quàm concionibus accommodata. Theologicos hos veluti flosculos, inter subtiliorum, ut ita dicam, speculationum aculeos, veluti in senticæta conjicere, mihi pænè religioni ducebam. Neque tamen hæc oratoriè, tanquam planè concionabundus, mihi tractanda proposui: sed ita moralem agam, ut me scholasticum non obliviscar: sicque veritas non ad orationis, sed ad rationis, ac proinde ad scholasticæ nor-

mæ trutinam expendatur. Cæterum id quoque lectoris utilitas ex-
 poscebat, ut breviori tomo tam fructuosa materies clauderetur:
 quò facilius & haberi posset, & perlegi. Enimverò cum de Deo, de
 Angelis, deque aliis rebus Theologicis disputamus, frustrà certè,
 opera, & labor omnis impenditur; nisi hæc omnia ad unicum no-
 stræ prædestinationis negotium, veluti sagittæ ad scopum colli-
 neent. Exquirant sanè alij ab iis, qui se astrologos venditant, im-
 pendentium divinationes eventuum, ac fortunæ in posterum sibi,
 vel adversantis, vel obsecundantis auspicia. Petant ab astris futuræ
 dignitatis casura fastigia: totique sint in præfagiis, quid dextri, si-
 nistræque consequens allatura sit ætas: quod, qualecunque fuerit,
 brevissimæ vitæ diuturnitatem non transilit. Quantò consultius oc-
 cuparentur in iis prænunciationibus explorandis, quibus possent
 tempestivè prænoscere, quam tota æternitate habituri sint aleam
 numquam invertendæ fortunæ. Ita nostræ prospicientes salutari ea si-
 gna cavebimus, quæ damnationem minantur, ac barathrum; ea
 fovebimus, quæ faustissima sunt futuræ felicitatis auguria. Demum
 ea, quæ de exiguo prædestinatorum numero, juxta Scripturarum
 oracula, ac Sanctorum Patrum effata, adjiciemus, opportuno nos
 terrore incitabunt, ut inter eos adnumerari conemur, quorum nomi-
 na scripta sunt in libro vitæ.

Luca 10.

